

Prvi zamjenik visokog predstavnika susreo se sa predstavnicima Svjetskog kongresa bosanskohercegovačke dijaspore



Prvi zamjenik visokog predstavnika Raffi Gregorian sastao se danas sa predstavnicima Svjetskog kongresa bosanskohercegovačke dijaspore, na čelu sa predsjednicom Senadom Softić-Telalović. U toku sastanka, predstavnici bosanskohercegovačke dijaspore informirali su prvog zamjenika visokog predstavnika o preprekama sa kojima se suočavaju u nastojanjima da ostanu dio bosanskohercegovačkog društva tako što će u zemlju donijeti nove investicije, praksu i znanje stečeno u zemljama u kojima sada žive.

Gđa Senada Softić-Telalović obavijestila je prvog zamjenika visokog predstavnika o ideji da se uz podršku Vijeća ministara uspostavi Komitet Vijeća bosanskohercegovačke dijaspore.

“Dijaspora svih konstitutivnih naroda i drugih želi da uradi više za svoju domovinu, međutim političke prepreke ih u tome sprečavaju. Oni kažu – želimo pomoći, želimo se vratiti, ali organi BiH moraju im u tome pomoći”, rekao je prvi zamjenik visokog predstavnika.

Spomenuto je i pitanje dvojnog državljanstva. Prvi zamjenik visokog predstavnika Gregorian ukazao je na odluku visokog

predstavnik donesenu prije pet godina, kojom je za rješavanje pitanja dvojnog državljanstva dat rok do 2013. godine. "Nadamo se da će organi BiH razmotriti puno opsežniju reformu odredbi koje se tiču dvojnog državljanstva, kako bi praksa u BiH bila usklađena sa sve češćom međunarodnom praksom. Ovo pitanje utiče na bosanskohercegovački ljudski potencijal, budući da su brojni bosanskohercegovački građani koji žive u inostranstvu obrazovani, imaju dragocjena znanja i potencijalne investicije. To je važan resurs za budući razvoj zemlje", zaključio je prvi zamjenik visokog predstavnika.